



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

81. Tres dies & noctes, quibus Jonas fuit in ventre Ceti.

urn:nbn:de:hbz:466:1-12221

Hæc operata Trias tribus est ænigmata signis,
 (b) Mensurâ, numero, pondere regna notat.
 Præscius alterius fati prænoſce (c) futura,
 Ne minùs exolyas, providus antè, cave.

(a) A Cyro eadem nocte captâ Babylone. Vide Rup. Dan. 5. quomodo Cyrus Euphratem in multas fossas derivaverit, & per siccum alueum in Urbem penetraverit. (b) Ita Theodor. & propriè hoc facit Deus in statera Judicij sui. Unde (c) tria tropologicè præavertenda. Mane id est mors, Tekel Judicium; phares infernus.

SYMBOLUM 81.

Tres dies & tres noctes.

Quibus Propheta Jonas fuit in ventre Ceti. Cumque de ventre orasset Dominum, ipsius jussu in aridam evomitur. Ionæ 2. apud S. Aug. serm. 90. de temp. vide infra subdivis: tertiam Symb. 59.

Vatem sorbuerant immania guttura Jonam,
 (a) Cui tumulus; ceti jam propè venter, erat.
 Extincto similis, vivo jacet ille sepulchro,
 Concipit ad Trinum vota precesque Deum.
 Adstitit ipsa Trias terno permota dolore;
 Tertius, e Ceti reddidit ore, dies.

(a) Ex Fona gentiles videntur sumpsisse fabulam sui Herculis, quem fixerunt a balanâ: devoratum, & ex eâ incolumem, tamen depilatum, evasisse.

SYM